

Seizneix, Gou Vuenyungz Lai

Seizhwnq, nditndat baenz feiz, gwnz dieg couh lumj aen rek daej bingz hungloet ndeu, ciuq dak daengxcungq doxgaiq. Ndaw doenghnaz, doenghbaez doenghgij duzmbaj mbin bae mbin dauq haenx hix mbouj raen ngauez lo, couh lienz duzdaek hix ndoj hwnjdaeuq lo.

Geij ngoenz gonq, daxdaiq lwnh gou, duhnamh ndaw reih baenz lo, couh caj ra ngoenz rengx ndei bae sou. Gou simhai deqcaj, couh gaux daxmeh, gouz de ngoenz sou duhnamh haenx hawj gou bae ndaw reih bangcoengh. Doeklaeng daxmeh doengzeiq lo, gou angqvauvau buet bae ndaw reih. Hoeng mbouj nyaengq geijlai nanz, gij angq banhaet bae reih sou duhnamh haenx gaenq siu bae fouz ingj fouz ngauez.

Daxmeh yaeng' yaeng uet gij hanh najbyak gou, unqswnh gangj: "Guhhong baenzlawz mbouj dwgrendz ne? Mwngz bae laj gofaex iq yietnaiq yaep ndeu gonq ba!" Gangj sat, de dawz hwnj aen daengqgeg henz bien, daiq gou byaij daengz laj gofaex iq. Seizneix, gij ngauez faex caxcagcag haenx youq ndaw hwnqndat ngauznged, seiqhenz cungj yienj ndaej naiqnueknuek. Daxmeh nda ndei daengqgeg, hawj gou naengh roengz, yienzhaeuh dawz aen' gyaep gwnz gyaeuq swhgeij roengz, daenj youq gwnz gyaeuq gou.

Seizneix, gou cij yawj yienghcej daxmeh: Fajnaj haumbup lumj nyawh doenghbaez de deng ndit dak baenz gaiq ndaem gaiq hoengz, byoem baih najbyak deng raemxanh dumz, nyungqnyatnyat nem youq gwnz gyaeuq, gwnz gemjnaj lij miz diuz riz haed cag gyaep. Gou lienzmuengz duet buh re'ndit, ndenq hawj

daxmeh: "Daxmeh, gizneix mbouj deng ndit geijlai, hawj mwngz!" Daxmeh cix ngauzngauz gyaeuq gangj: "Mwngz daenj, faexraemh neix dangj mbouj ndaej ndit geijlai. Danghnaeuz fatsa le, mwngz deng nanzsouh! Lai gwn raemx, youq neix naengh ndei!" De hawj gou daenj aen' gyaep ndei le, youh bae ndaw reih nyaengq hwnjdaeuq.

Yawjraen ndangngauez daxmeh youq laj ndit haeng guhhong, gamjsouh aen' gyaep lij miz di raeuj daxmeh, ndaeng gou miz di fat soemj, raemxda yiemq ndaw lwgda. Seizhaenx, vuenyungz lumj raemxlangh nei nyoengx hwnj gwnz gyaeuq gou. Daxmeh cungj dwg bakcot sim' unq, bingzseiz yawj lumj yiemzhaeng, gizsaed ndaw sim cungrim le ndiepgyaez. De cungj dwg yungh gij ndang swhgeij mbouj coekak haenx, mbouj oksing vih gou dangj rumz cw fwn.....

Du——Sing dig ndeu dajduenh ngeixnaemj gou. Gou nyeux gyaeuq yawj, daxda hai cisamloek daeuq daeh duhnamh lo. Daihgya caezsim okrengz, dawz gij duhnamh sou ndaej haenx daeh daengz gwnz ci. Daxmeh bongxbongx mbaq gou, daengq: "Mwngz caeuq daxda daxdaiq baema gonq." "Mwngz ne?" Gou yousim yawj daxmeh. Daxmeh gangj: "Couh lw di hong ndeu, gou guh sat le couh baema."

Cisamloek menhmenh bae naj, gou naengh youq gwnz ci, yawj ndang ngauez daxmeh liz gou yied daeuq yied gyaep. Goriengma henz roen yaeng' yaeng ngauz, lumjnaeuz cingq lwnhgangj gij gyaep nyangqnyat caeuq fouzsing daxmeh. Gofaex iq caemrwg ndwndaengj bang gou dangj raemh haenx, couhlumj ndangngauez daxmeh



mbouj oksing henhoh gou. Rumz dingj naj ci daeuq, couh lumj daxmeh unqnupnup umj gou nei. Seizneix, gou gig vuenyungz.

(*Linz Yizmwz raiz*
Lingz Hinghningz hoiz)

Valeiz Hom, Gyaep Ciengxlwenx



Youqndwi naengh dingh, yawj va hai va loenq, fwj mbe fwj roux. Valeiz ndaw gyanghongerh mbinyagyag, lumjbaenz youq de gangj aen goj ndwenngoenz nei. Seizhaenx, aen doulaux ndaejgeiq laeglaeg lemxlemx haidou: Fwn iq doek mbouj liux mbouj nauq, valeiz homfwdwd, seizgan baefoedfoed mbouj doxdaeq.

Yag fwn unqnemnem dwk roq valeiz, limqva riengz rumz biufoux. Seiz iq, valeiz hai rim gyanghongerh iq, ndit ciuq youq gwnz limqva, myab gij

ronghygw maezvunz okdaeuq. Gou moengidoengj yawj dwk, daiq byaij gvaqdaeuq, yawjraen gij ngeizvaeg ndaw lwgda gou, riunyumj doiq gou naeuz: "Gijneix dwg valeiz, de hausak mbouj mbanq, daiq muengh mwngz lumj valeiz ityiengh cinghseuq gyaundeit." Gou rox dingz rox mbouj, dawz coenz vah neix geiq youq ndawsim. Mizseiz, gou cam daiq: "Vih gijmaz valeiz baenzneix hom ha?" Daiq naj mboeng dwk yawj gou, saenzmaed dwk naeuz: "Majhung le

mwngz couh rox lo." Vwndiz lumj naed fwn caeuq gij hom valeiz gyonj baenz ndangdog, nyinh haeuj ndawsim laeq nyeziq, moek roengz naedceh cinghseuq ndeu, dinghdingh caj de maj.

Fwn lumjbaenz diuz mae doekroengz, doek youq gwnz limqva, fat ok gij sing mbaeu he, lumj dwg daiq youq henz rwz mbaenj, hawj sim gou raeujrub liux. Ngoenz bae ngoenz, bi bae bi, mbouj rox gvaqbae geijlai bi'ndwen. Gou caiq dauqma diegcoj, ndaw gyanghongerh iq cienz ok gij fwen sing iq he: "Mbwn laepfonx doekdaemq, ndaundeit caemh ronghmyanz, ronghrib mbin, ronghrib mbin, mwngz nyinh siengj bouxlawz?" Hot fwen neix couhdwg hot fwen gou seiz iq caeuq daiq itheij ciengq. Gou fwt angq, gipmuengz buet haeuj gyanghongerh iq bae. Daiq raen gou le, couh naj hai naj riu, lienzmuengz rag gou roengznaengh, lwnh gij saeh mizyinx de, gangj gij vah raeuj sim haenx. Naet le, gou couh ninz youq gwnz eijninz daiq, ing henz ndang daiq hoemq fan moeg iq hom valeiz. Saekseiz, daiq dawz mbaw gaenfwnz mbouj caengz siuq liux he, baez cim baez mae nyib hwnjbae. Gou cam daiq dwg siuq gijmaz, de riu dwk naeuz: "Caj mwngz majhung le couh rox lo." Gijneix hawj gou ngah

muengh dangqmaz.

Seizgan laeglemx gvaqbae, daengz seizneix, cij lw mbaw gaenfwnz coux rim goj haenx lo. Gwnz mbaw gaenfwnz nyib baenz duj baenz duj valeiz caeuq gij fwn moenqfefe de, cim mae deihdwddwd, lumj gij gyaep mbouj yaemmuengz haenx, dawz gij vah haeujhoz gangj mbouj liux de caemhcaez siuq hwnj gwnzde bae. Daiq aiq dwg bienqbaenz valeiz lo! Mbounnex valeiz vihmaz baenzneix hom. Coenz vah "majhung le mwngz couh rox lo" daiq gangj gvaq haenx, seizneix gou cungj rox lo. Hoeng danghnaeuz rox aen dapanq de le couh aeu doxbiek, yienghneix gou nyienh baenz ciuh vunz cungj mbouj aeu rox.

Fwn iq lajbiengz dwg mwngz, gij hom geh mbaw leiz dwg mwngz, ndaw gij fwn mok diegcoj Gyanghnanz, gizgiz cungj miz ngauez mwngz. Mwngz dwg fwn iq ndaw sengmingh gou, nyinh gij goek sim gou, ce aen yaenqgeiq coh heuh "gyaez" hawj gou. Danghnaeuz bi'ndwen siu bae, ndaejgeiq myoxmyoet, gou hix mbouj lumz ndaej mwngz. Daiq, mwngz yaek rox, lajbiengz lij miz boux vunz ndeu hwnzhwnz cungj ndiepniemh mwngz ne!

(*Loz Vwnzcin raiz*
Veiz Yen' gyangz hoiz)